

Oqartussaqaarfinni suliat paasissutissanik eqqunngitsunik ilaqartut isumaqaruit pisinnaatitaafiit ilisimajuk

2016



**Kalaallit Nuaanni
Paasissutissanik
Nakkutilliisuutitaq**

**1. Oqartussa qarfinni suliat paasissutissanik eqqunngitsunik ilaqartut
isumaqaruit pisinnaatitaafiit ilisimajuk**

3

1. Oqartussaqaarfinni suliat paasissutissanik eqqunngitsunik ilaqartut isumaqaruit pisinnaatitaafiit ilisimajuk

Naqquiteqarnissamut pisinnaatitaaffik

Oqartussaqaarfinni illit pillutit eqqunngitsunik paasissutissaqarpat inunnik paasissutissanik suliarinnittarneq pillugu inatsit naapertorlugu paasissutissat iluarsitinnissaannut pisinnaatitaaffeqarputit.

Tamanna aamma naqquiteqarnissamut pisinnaatitaaffimmik taaneqartarpoq.

Oqartussaqaarfik attavigiuk

Paasissutissat iluarsitinniarlugit oqartussaqaarfik paasissutissanik pigisaqartoq attaveqarfigissavat.

Oqartussaqaarfiup suliassaq suliarissavaa, qanorlu iliornissaminik illit akissuteqarfigissallutit.

Qanoq saaffiginnissavit?

Sianerlutit, allakkatigut imaluunniit e-maili aqutigalugu naqqeeqqusisinnaavutit.

Qanoq oqassavit?

Nassuiaatigissavat paasissutissat sorliit illit isummat malillugu eqqunngitsuunersut.

Kissaateqarnerit paatsugassaaajunnaarsinniarlugu isumassarsiaatsialaasinnaavoq oqassallutit, imaluunniit allassallutit paasissutissat naqqinneqarnissaannik kissaateqarnerit inunnik paasissutissanik suliarinnittarneq pillugu inatsit naapertorlugu tamanna qinnutigigit. Inunnik paasissutissanik suliarinnittarneq pillugu inatsimmi § 37 innersuussutigissavat.

Oqartussaqaarfik qanoq naqqiissava?

Oqartussaqaarfik nalinginnaasumik ilassummik allattaqartarpoq, paasissutissat illit maalaarutigisatit eqqunngitsuusut imaluunniit ilinnit akueriumaneqanngitsut.

Tamatumunnga pissutaavoq oqartussaqaarfiit nalinginnaasumik paasissutissanik, suliamut ilanngunneqareersimasunik, peersiinnaqqusaanngimmata. Oqartussaqaarfiimmi sulianik suliarinninnerminni suut suliarinerlugit nalunaarsortussaavaat.

Taamaattumik amerlasuutigut pisariaqarsinnaavoq oqartussaqaarfiup allakkiamik nutaamik pilersitsisariaqarnissaa, paasissutissat eqqortut – imaluunniit paasissutissanut illit isiginninnerit - allanneqassallutik.

Oqartussaqaarfiup isumagissavaa naqqiissummut, sapinngisamik paasissutissanut eqqunngitsunut imaluunniit akueriumaneqanngitsunut attuumassutilinnut qaninnerpaanut, innersuussisoqarnissaa.

Pisut assigiinngitsut

Paasissutissat eqqunngitsuunersut taamalu iluarsineqartariaqartuusut paasinarsisissallugu ilaatigut ajornaatsuinnaaneq ajorpoq.

Datatilsynip pisut assigiinngitsut pingasut naammattoorajuttarpai:

Pisoq 1: Paasissutissat eqqortuunnginnerannik oqartussaqaarfik isumaqataagaangat

Paasissutissat eqqortuunnginnerannik oqartussaqaarfik isumaqataaguni taakku iluarsineqarnissaat isumagissavaa. Assersuutigalugu tassaasinnaapput paasissutissat piviusut, taamalu assortuussutigineqartariaqanngitsut.

Pisuni taama ittuni oqartussaqaarfik naqqiisuteqartarpoq, amerlasuutigut ilassummik allanneqartarluni paasissutissat pineqartut eqqunngitsuusut.

Paasissutissat eqqunngitsut ingerlateqqinneqarsimappata qinnutigisinnaavat paasissutissanik eqqunngitsunik tiguisut aamma naqqiummik nalunaarfigineqassasut.

Paasissutissanik eqqunngitsunik tiguisunut nalunaaruteqarnissamik oqartussaqaarfik taamaallaat itigartisisinnaavoq, taakku nalunaarfigineqarnissaat pisinnaanngippat imaluunniit ajornarluinnarpat.

Assersuut

Kommunemi misissuinermit takuneqarsinnaavoq paasissutissat piviusut kukkunernik ulikkaartut, Ilaatigut emeripit atia kukkullugu allanneqarsimavoq. Tassanilu aamma allaqqavoq emerit pinerluttuliorsimasoq, taamaaliorsimananili.

Kommune misissuinermit nutaamik suliaqassaaq, aammalu suliami erseqqilluinnartumik allassallugu siulleq kukkusuusoq.

Pisoq 2: Paasissutissat pillugit isumaqatigiinngissuteqartoqarpat

Oqartussaqaarfiup paasissutissat eqqortuunnginnerannik ilaatigut isumaqitigiinngittarsinnaavaatit. Assersuutigalugu ataatsimeeqatigiinnermi imaluunniit angerlarsimaffimmut pulaarnermi nassuiaatigineqartut isumaqatigiinngissutigineqarsinnaapput.

Pisuni taama ittuni oqartussaqaarfiup isumagissavaa paasissutissanut ilassummik ilanngussisoqarnissaa, illit isumaqataannginnerit takuneqarsinnaassalluni.

Pisoq 3: Naliliinerugaangat

Oqartussaqaarfiit amerlasuutigut apeqqutini assigiinngitsuni naliliinitik allattarpaat. Assersuutigalugu tassaasinnaavoq pissutsit ilinnut tunngasut pillugit nakorsap imaluunniit isumaginninnermi siunnersortip suliamik ilisimasalittut naliliineri.

Aamma pisumi taama ittumi aaqqiisutissaq tassaavoq illit isummavit paasissutissanut ilanngunneqarnissaat, suliami naliliinerit illit isumaqatigiinngikkukkit.

Assersuut

Atuarfimmi pisortaq kommunemut allagaqarpoq, illit angerlarsimaffinni atonerluisoqarnersoq aarleqqutigalugu.

Atonerluisoqarneranik isumaqataannginnerit ilanngutitissinnaavat. Kisianni atuarfiup pisortaata nalunaarutiginninnera peersissinnaanngilat.

Datatilsynimut maalaaruteqarsinnaavutit

Paasissutissat naqqinneqarnissaannik qinnuiginninnerit pillugu oqartussa qarfiup akissutaa naammaginngikkukku Datatilsynimut maalaaruteqarsinnaavutit.

Maluginiassavat Datatilsyni ilisimannittunik killisiuilluni uppersaatissaqarnersoq aalajangiisinnaanngimmat. Tassa suliat ilaanni assortuuttoqarpat kina eqqortumik oqalunnersoq Datatilsynip aalajangersinnaaneq ajorpaa.

Taamaattumik oqartussa qarfik ilassummik suliaqarsimappat, taamalu paasissutissani akueriumanngisanni imaluunniit eqqunngitsuni isummatit erseqqilluinnartumik takuneqarsinnaallutik, Datatilsynip amerlasuutigut naqqiuteqaqqinnissamik ikiorsinnaassanngilaatit.

Datatilsynet

Carl Jacobsens Vej 35.

DK 2500 Valby

Oqarasuaat 33 19 32 00

E-mail dt@datatilsynet.dk

www.datatilsynet.dk

Datatilsyni tassaavoq qitiusumik oqartussa qarfik allanut attuumassuteqaanngitsoq, makkuninnga suliaqartoq

- inummut paasissutissanik nalunaarsuinermi, ingerlatitseqqinnermi aamma allatigut suliaqarnermi siunnersuineq, aamma
- oqartussa qarfiit, suliffeqarfiit aamma allat paasissutissanut akisussaasuusut inunnik paasissutissanik suliarinnittarneq pillugu inatsimmik eqqortitsinissaannik nakkutilliisoq.

Atuagaraq una oqartussat digitalimik suliarinninneranni paasissutissanut tunngavoq. Nalunaarsuiffinnut allanut, aamma paasissutissiisarnermi systeminut, allanik atuuttoqarsinnaavoq.

Paasissutissat arlaqarnerusut Datatilsynip nittartagaani nassaarisinnaavatit.

Oqartussaqaarfinni suliat paasissutissanik eqqunngitsunik ilaqartut isumaqaruit pisinnaatitaafiit ilisimajuk

© 2016 Datatilsynet

Eftertryk med kildeangivelse er tilladt

Udgivet af:

Datatilsynet

Carl Jacobsens Vej 35

2500 Valby

T 33 19 32 00

dt@datatilsynet.dk

datatilsynet.dk

Datatilsynet

Carl Jacobsens Vej 35

2500 Valby

T 33 19 32 00

dt@datatilsynet.dk

datatilsynet.dk